



МОНГОЛ УЛСЫН ЗАСГИЙН ГАЗРЫН ТОГТООЛ

2021 оны 2 дугаар сарын 10-ны өдөр

Улаанбаатар хот

Дугаар 29 ТҮР ХОРОО БАЙГУУЛАХ ТУХАЙ

Коронавируст халдвар (КОВИД-19)-ын цар тахлаас урьдчилан сэргийлэх, тэмцэх, нийгэм, эдийн засагт үзүүлэх сөрөг нөлөөллийг бууруулах тухай хуулийн 7.1.11, Засгийн газрын тусгай сангийн тухай хуулийн 11.5.1-д заасныг тус тус үндэслэн Монгол Улсын Засгийн газраас ТОГТООХ нь:

1. Коронавируст халдвар (КОВИД-19)-ын цар тахлын нөхцөл байдал, цар тахлын үеийн нийгэм, эдийн засагт үзүүлэх сөрөг нөлөөллийг бууруулах, урьдчилан сэргийлэх чиглэлээр Засгийн газар, Улсын онцгой комиссоос авч хэрэгжүүлж байгаа арга хэмжээ, үйл ажиллагааны талаар үнэн зөв, бодит мэдээ, мэдээллийг олон нийтэд хүргэх, ухуулан таниулах үүрэг бүхий Эрсдэлийн мэдээлэл харилцааны Түр хорооны бүрэлдэхүүнийг хавсралт ёсоор баталсугай.

2. Түр хорооны өдөр тутмын үйл ажиллагаанд дэмжлэг үзүүлэх Ажлын шуурхай хэсгийг Улсын онцгой комиссын дэргэд 5 хүний бүрэлдэхүүнтэйгээр ажиллуулсугай.

3. Түр хорооны болон Ажлын шуурхай хэсгийн үйл ажиллагааны зардалд зориулж 180,0 (нэг зуун наян) сая төгрөгийг Засгийн газрын нөөц сангаас гаргахыг Сангийн сайд Б.Жавхланд зөвшөөрсүгэй.

4. Түр хороо, Ажлын шуурхай хэсгийг үнэн зөв, бодит мэдээллээр тухай бүр хангаж, мэдээ, мэдээллийг зөвхөн нэг сувгаар, түр хорооноос өгөгдсөн чиглэлийн дагуу мэдээлж байх, нийтэд буруу ташаа, үндэслэлгүй мэдээ, мэдээлэл тараахгүй байх, тараасан бол холбогдох албан тушаалтанд хуулийн дагуу хариуцлага тооцож ажиллахыг холбогдох сайд, агентлагийн дарга, аймаг, нийслэлийн Засаг дарга нарт тус тус даалгасугай.

5. КОВИД-19 халдварын цар тахалтай холбоотой мэдээллийн нэгдсэн санг бүрдүүлж, байгууллага, аж ахуйн нэгж, иргэдийг мэдээ, мэдээллээр тогтмол, жигд хангах арга хэмжээ авахыг Харилцаа холбоо, мэдээллийн технологийн газар (Б.Болор-Эрдэнэ)-т даалгасугай.

6. Эрсдэлийн мэдээлэл харилцааны Түр хорооны үйл ажиллагааны чиглэл, ажил үүргийн хуваарь, Ажлын шуурхай хэсгийн ажиллах журмыг батлан мөрдүүлж, удирдлага, зохион байгуулалтаар хангаж ажиллахыг Монгол Улсын Шадар сайд С.Амарсайханд даалгасугай.

Монгол Улсын Ерөнхий сайд
Монгол Улсын Шадар сайд

Л.ОЮУН-ЭРДЭНЭ
С.АМАРСАЙХАН

**ЭРСДЭЛИЙН МЭДЭЭЛЭЛ ХАРИЛЦААНЫ ТҮР
ХОРООНЫ БҮРЭЛДЭХҮҮН**

Хорооны дарга:	-Монгол Улсын Шадар сайд, Улсын онцгой комиссын дарга
Дэд дарга:	-Соёлын сайд
Гишүүд:	<ul style="list-style-type: none">-Нийслэлийн Засаг дарга бөгөөд Улаанбаатар хотын захирагч;-Сангийн яамны Төрийн нарийн бичгийн дарга;-Хууль зүй, дотоод хэргийн яамны Төрийн нарийн бичгийн дарга;-Гадаад харилцааны яамны Төрийн нарийн бичгийн дарга;-Хөдөлмөр, нийгмийн хамгааллын яамны Төрийн нарийн бичгийн дарга;-Боловсрол, шинжлэх ухааны яамны Төрийн нарийн бичгийн дарга;-Зам, тээврийн хөгжлийн яамны Төрийн нарийн бичгийн дарга;-Уул уурхай, хүнд үйлдвэрийн яамны Төрийн нарийн бичгийн дарга;-Хүнс, хөдөө аж ахуй, хөнгөн үйлдвэрийн яамны Төрийн нарийн бичгийн дарга;-Эрчим хүчний яамны Төрийн нарийн бичгийн дарга;-Эрүүл мэндийн яамны Төрийн нарийн бичгийн дарга;-Онцгой байдлын ерөнхий газрын дарга;-Мэргэжлийн хяналтын ерөнхий газрын дарга;-Цагдаагийн ерөнхий газрын дарга;-Засгийн газрын Хэрэг эрхлэх газрын Хэвлэл мэдээлэлтэй харилцах газрын дарга;-Монголын Үндэсний Олон нийтийн радио, телевизийн үндэсний зөвлөлийн дарга (зөвшилцсөнөөр).
Нарийн бичгийн дарга:	-Харилцаа холбоо, мэдээллийн технологийн газрын дарга.